

\tit 1878-article. "The Cheyenne and Arapahoe Prisoners. Siyenvlke momet Elapvhovlke Svlvfkvlke." Indian Journal March 27, 1878, vol. 2, no. 30.

The Cheyenne and Arapahoe Prisoners.  
Siyenvlke momet Elapvhovlke Svlvfkvlke.

Cvk-tvleme, Entyv n Cvnvl kicetv ofun Este Cate Ekvnv-Fvske kvntvc-kvn svlvfkvlke vnv cem opunvyecan heyevyvns. Monkv mvn em opunvyecvranvkis.

Siyenvlke momet Elapvhovlke nvcovmke svlvfkvlke haken, Ekvnv Fvske svpehohyvte vtekat, hiyomat oh-rolope ostet hoyanes. Mv Este Catv vnv em wihokvte Tohopke S 1[?] [k?]icetv vwoluse ocat, mvn wikahket, corakkon horkopaketa, esten psvtakvtes. Monkv suletawvlke vpehyet, mv Este Catvlke vnvcomvken svlvfkuecakovtes. Eshecakot, hunvntake estomakis svlvfkuecakovtes, momet em mvttake sekis svpayakovtes. Momen hopvyen svpehoyen, Sent Vksven kicetv Tohopke unakuecuse ocat ofvn em vkhohoyvtes. Momis mv Tohopke vfastv emekusapvt omet, este heret os, momet vkerricet, Heyv Este Catvlke e feke, hvtvm em puyvpvfekev ocaket os, este vpvltake ocakat etvpomen, komvtes. Monkv, heren vfastet, Hesaketvmese mehenwat ohfvccvn emvhayvtes.

Momen hvtvm Este-hvtke hokvtke heraket em merrvket, en heromvket omvtes.

Este herakat sekon omat, estomet estet ymvv ekvnvn oh fulle taye haks?

Mv Este Catvlke, yekcvke mahesehonecket o estomis, mv hokvtke 'mapohicetvn metetakvket omvtes, momet este ymvvskakuse Hesaketvmese em apohicvlke hakvkepvttet os.

Meske hvmkevnen, hokte here, hopvye likat, cokv-hecv vm etohkulk-

etv taten en cukopericvyof, mv hokte herakat hvmken hecimvts, momen mv Este Catvlke opunvyecetv tis em vlostusemvts. Este Catulke vhmkv sehoneckvke tate hiyoman pu Hesayecv omvke hakvkepat opunvyecet pum punayof, eturopuswv e turwv es fvcfvken es pum punayemvts. momet cokv mv Este Cate hunvntake tutcenet en 'totakvte pu hecicemvts. Momen cokv hotcieakvte hvmken, vhayimvtat, cem tohtvlecicvranis. Heyvt mv tes.

“Mes Pelet,

Sulke heren ece 'nokecis. Enockuce yokofketv tis a'metskemvts. Here ma[<sup>^</sup>]he toyetskes. Tayen ece 'nokeces. Hvtetea ce hecares. Uehatkvtlake hokkolen ce'mis,  
ON-KO-EHT.”

[<sup>^</sup> turned a]

Mv tohopke vpokat oten oh liket os, momen uehatkv vfopken tvlakon hopoyet, eshecaket, heren hvsvthihcet, wiyaket os. Tvlako tokot omake wites, momes tvlako omvket os. Wv-nwvhe, catvket omet, herakuset ok, Este hvtkvlket nesaket os. Monk v heyv este-hunvnwv, mv hokte en neromet, Hesaketvmese ohfvccvn mvhayvtet omekv, naken emetvn eyacvtes, lopuckuset o estomis. Mv hokte nake em momecvten ehosekat kerrvren eyacet ok.

Nake etv hvmken, mv hokte pum onvyvte vkerricetv vm vlostet os. Mv Este Cate hunvntaket, estomen Hesaketvmeset e feken mvrakuecvt-en mekusvkv nvkvftetv ofvn estem onvyetvn kamakvtes. Este-hvtke opunvkv nvcomusis kerraket, Hesaketvmese vkvsvmetvn komaket, vnokecat kerkv heren esten kerkuacakvtes.

Monkv Este Muskoke vn hessvlke toyatskat, heyv Este Catvlke hofunekvnke Hesaketvmese mehenwat ohfvccv naken pohvkekat, hiyomat Hesa-

yecv vnokecakat ce muntvlkvrane  
haks? Ohrolope sulken estomen pu  
Hesayecv ece 'nokecvten pohatskvttet  
os. Emapohicet, vnokecatsken heyv  
Este Catvlket ce mnntahlvkats, mom-  
is, Hesaketvmeset tetayen pum merr-  
vtet ok, tetayen vnokecvraneyet os,  
komet, en Nak-cokv - rakkon  
tewolen oh onayet, heren em  
a pohicvkes.

Nettvcaquce omvlkv n cokv-tvleme  
eteropotte cem punvyelt cv yacet ont  
omis, Vpastelvlke em Fulletv kicetv,  
hofunen oh vtotkvvat, lvpken sohwe-  
tenepuehocvren etetakuecetvn komit,  
tewolen cen hoccicvko tetayes.